

武

備

志

武備志卷一百四

防風茅元儀輯

占度載

占二

占日一

茅子曰：日內黑外光，麗於中天，若夫春日紅潤，夏日炎蒸，秋日燥烈，冬日溫平，皆吉徵也。日有變，不在君上，則在分野，變凡七等：曰日之形，曰日之蝕，曰日之暈，曰日之變，曰日之色，曰月之氣，曰日之

日之形

日之蝕

日之暈

日之變

日之色

日之氣

日之星

日之形

侵謂陰陽五色之氣，侵淫相侵。或曰：抱珥背璫之屬，如虹而短是也。二曰象，謂雲如氣成形象，雲如赤鳥夾日以飛之類是也。又曰：赤雲挾日以行曰象，奸臣挾君亂國。三曰鑄，日旁氣刺日，形如童子所佩之鑄也。四曰監，謂雲氣臨在日上也。五曰闇，謂日月蝕，或日光暗也。六曰膏，謂膏膏不光明也。七曰彌，謂白虹彌天而貫日也。八曰序，謂氣若山而在日上，或曰：冠珥背璫，重疊次序在於日旁也。

九曰臍，謂暈氣也。或曰虹也。詩所謂朝臍於西者也。十曰想，謂氣五色有形想也。青饑，赤兵，白喪，黑憂，黃熟。或曰想，思也。赤氣爲人獸之狀，可思而知其吉凶。又曰日旁氣曰背，形如背字也。日之將蝕，先有黑變曰適，形如玉璫曰璫，又作鏞，亦曰穴氣。向日曰抱，形點黑曰珥，氣在日上爲冠，爲戴在旁直對爲珥，如半環向日爲抱，向外爲背，有氣刺日爲鏞，鏞，扶傷也。

日戴者，形如直狀，其上微起在日上爲戴。戴者，德

也國有喜也一云立日上爲戴純赤爲兵

青赤氣抱在日上小者爲冠國有喜事純赤爲兵
日上有冠三直日下有直虹不出一年天下有小
兵不安

日上有冠日有纓擎捧日者有喜慶

青赤氣小而交於日下爲纓四夷重譯主納降

青赤氣圍日上下爲序主奸邪欺蔽共爲謀逆

青赤氣小而圓一二在日下左右者爲紐一曰青

赤氣散垂日下爲紐人君德澤施及天下一曰外

國來歸、

青赤氣如小半暈狀在日上爲負、負者爲得地喜、
青赤氣長而斜倚日傍爲戟、近侍謀逆、刑及貴人、
又曰、天子兵舉、戟見不散、天子之兵勝、一曰、兵起、
青赤氣圓而小、在日左右爲珥、一曰、黃赤炫爍爲
珥、平時主風雨、不雨國有外亂、黃白者有喜、又曰、
珥多非喜、在日西、西軍勝、東南北如之、無軍而珥
爲拜將、

日有珥者、主兵亂、應指處分野見應、

日生珥、四面色暈紅黃如電、主一年內兵起、國
日爲主將、珥轉爲兵、外是客也、

日朝有珥、純白爲喪、間赤爲兵、間黃爲喜、

日夕有珥、赤黑白、有大客、有大軍在外、而珥爲喜、
軍欲和解、

日有一珥爲喜、兩軍相當、軍有和解、所臨者喜、

日有一珥貫者、主臣謀君、兵起於秦地、三年人凶、
日有一珥一星左右相守者、主七十日臣謀主、三
年絕人民、大凶惡之兆、

日生兩珥有氣如人立日邊主兵起大亂主有陰謀作亂之事無氣占同

日左有兩珥外國來寇一曰胡人欲謀爲主

日東西有兩珥白氣貫者天下大亂國失忠臣

日上有三珥諸侯謀亂兵起三年方定一曰青黃白色大臣叛逆

日左有三珥臣謀君位

日上生三珥左右兩星相守主兄弟謀君相殺

日下生三珥君被四方將謀位刀兵亂起五年方

日下三珥，更有三星，宜北斗下立寨必勝。

日出四珥，將軍亡。

日入四珥，有大兵。

日生四珥，有一星守之，千里人絕。

日朝五珥，國憂兵起。

日有六珥，不出六十日，其分有喪。若有赤雲掩日，其下國亡。

日左右有六珥者，三十日內兵起，秦地三年方定。

日左右珥大風起

日右珥大臣亂政一曰色赤黑夷人起兵邊邑有叛者

日有交珥聚一方衆兵皆起軍在外者罷

多珥臨日有雨有客來言北方事

青赤氣圍抱日旁爲抱又曰旁如半環向日爲抱國有喜一曰日月有抱他國來降兩軍相當得抱者勝兩抱齊等先衰者敗

日抱黃白潤澤內赤外青天子有喜有和親來降

者軍不戰敵降軍罷色青將喜赤將兵爭白將右
喪黑將死

日四方各有抱四方信附

日一抱一背爲破走抱者順氣也背者逆氣也兩
軍相當順抱擊逆者勝故曰破走

日旁有黑抱戰勝無軍有欲和親者

日抱且戴有喜圍在中中勝在外外勝青外赤中
以和相去赤外青中以惡相去

日抱且背且璫順逆相參抱多則順者多背璫多

則逆者多，抱明而久，背璠不明而先滅，則順勝。

日抱且兩珥，一虹貫抱，抱至日，順虹擊者勝。

日抱兩珥且璠，二虹貫抱至日，順虹擊者勝。凡虹貫抱，皆爲大戰流血。

日重抱左右二珥，有白虹貫抱，順抱擊勝，得二將，有三虹，得三將。

日重抱內有璠，順抱擊者勝，亦曰：軍內有欲反者，日重抱且背，順抱擊者勝，得地。若有罷師，

日重抱，抱內外有璠兩珥，順抱擊者勝，破軍。軍中

不利不相信

日重抱大破亾抱爲和背爲不和爲分離相去
日抱三重有兩方珥色皆黃白潤澤天子戰勝外
兵敗者來降珥方者兵也抱珥順珥爲喜

青赤氣如月初生背日者爲背又赤黃氣如新月
背日者爲背奸邪謀逆自負綱常又曰背氣青赤
而曲外向爲叛象分爲反城

日上有背其野失地有叛臣叛兵邊將欲去善防
之背多者叛多也四方有背四方叛

日下有背，主五十日內節度使兵亂天下，五年方定，兩軍相當，背所在之方敗。

日有背，璫在日南及其三方，國有反臣，一曰背璫并出，顛倒相貫，下作禍，天子滅。

日有背，璫四直交其中，臣欲爲邪，色中青外赤有芒刺爲逆，中赤外青無芒刺爲謀，此氣數見，則國危。芒刺向外，外勝向內，內勝。

日有二背一直，大臣欲自立。

日有四背，璫臣射主，又曰國內亂，兵起。

璫者如帶璫在日四方，一曰五采炫爍日旁爲璫，國有喜慶，野有風雨，兩軍相當，所臨者敗。一曰有反者，一曰臣謀叛，萬人死，其下四璫五璫反者如璫之數。

青赤氣長而立日旁爲直，一曰雜氣如川字倚日爲直，兵亂，國土分析。

日旁有一直，敵在一旁，欲自立，四旁有直，四方有欲自立者，從直所擊者勝。

日旁有三直三抱，欲自立者不成，順抱者勝，殺將。

日有黃直，君立；臣青赤直，臣自立。

日直中赤外青，自立者不成；黃白潤澤者成。

青赤氣狀如兩直相交，在日上下左右曰交。交，淫悖之氣。主有淫行。日旁有交，赤雲，其下有兵。

日兩旁有兩氣相交，或相貫穿，或相向背，皆爲天下大兵起，亦爲內亂。軍不和一曰：日旁有交，從交所擊者勝。

諸氣生如口字，在日邊曰日口。一二口，奸邪害。三四五口，王侯謀立。

黑氣如矢射日曰日箭、奸邪謀逆、

青赤氣如人頭懸日中曰日墜、奸邪專權、謀害其君、

氣形三抱在日四方爲提、不出期年、兵起、王者死、亦爲亾地、一曰青赤氣如三角形擎於日上爲提、臣提挾君、君受臣制、

日有四提、不出其年、有大兵大饑、大雨則災不成、日有六提、天下亂、人主惡之、

青赤氣橫在日上下爲格、臣格君、非國有賢臣、扶

植政法。一曰格者格鬪之象，其占爲有兵戰，氣如半暈在日下爲承，承者臣承君也。又曰日下有黃氣三重，名曰承福，人主有吉喜且得地，青白氣如履在日下者爲履，一曰赤黑氣如履天子有喜，外國來歸。又曰氣雙垂日下爲履，兵喪爲災，君王出走。

日之蝕

日月虧毀曰蝕，其蝕蝕所不利，復生生所利，不然蝕盡爲主位，以其值及日所躔加日時，用名其國。

同如上侵茲謂誣君厥蝕四方有雲中央無雲其日大寒

公欲弱主位茲謂不知厥蝕中白青四方赤已蝕地震

諸侯相侵茲謂不承厥蝕三毀三復

君疾善下謀上茲謂亂厥蝕既先雨雹殺走獸

弑君獲位茲謂逆厥蝕既先風雨折木日赤

內臣外向茲謂背厥蝕蝕且雨地中鳴

冢宰專征茲謂因厥蝕先大風蝕時日居雲中四

方亾雲

伯正越職、茲謂分威、厥蝕日中分、

諸侯爭美於上、茲謂泰、厥蝕日傷、月食半天、營而鳴、

賦不得、茲謂竭、厥蝕星隨而下、

受命之臣專政、謂試、厥蝕雖侵、光猶明、若文王臣獨誅紂矣、

小人順受命者、征其君、謂殺、厥蝕五色、至大寒、隕霜、若紂、臣順武王而誅紂矣、

諸侯更制、茲謂叛、厥蝕三復三蝕、蝕已而風地動、
日四時以王日蝕、人主凶、以相日蝕、國相死、以凶
死日蝕、臣凌君、以休廢日蝕、民多疾疫、

春蝕有女喪、一曰年大凶、有大喪、女主凶、

夏蝕諸侯多死、一曰無年、

秋蝕有兵、一曰有兵戰、主死、

冬蝕相死、一曰多死喪、

正月日蝕、大臣死、不死則黜、一曰大臣走、一曰人
多病、一曰五穀貴、齊大凶、一曰內兵起、人流、

二月日蝕、人主災、大人死、亦爲大旱、一曰、人多死、
一曰、豆貴、牛死、魯大凶、

三月日蝕、一曰有反者、一曰水大出、一曰楚大凶、
一曰有旱饑、

四月日蝕、人主有過、臣有憂、一曰天下大旱、一曰
牛無食、六畜死、宋大凶、一曰大臣憂、一曰旱疫、
五月日蝕、諸侯多死、一曰大旱、人饑、一曰牛死、六
畜貴、梁大凶、一曰兵起東北、

六月日蝕、人主有謀、其下國分土、一曰外國侵、其

失土、一曰五穀貴、沛大凶、一曰大臣死、

七月日蝕、有反者從內起、一曰歲惡、秦國惡之、一曰陳大凶、一曰兵大起、民流亡、一曰大水壞城郭、八月日蝕、天下更始、期三年、一曰兵大起、一曰兵甲貴、鄭大凶、一曰兵饑、

九月日蝕、外人欲自立不成、一曰鹽貴、韓大凶、一曰饑疫、

十月日蝕、姦臣在朝、二人親、一人遠、陵君君走、一曰六畜貴、一曰鹽貴、秦大凶、一曰冬旱、

十一月日蝕、王者亾地、臣子爲逆、一曰、魚鹽貴、一曰、燕大凶、一曰、五穀貴、牛死、一曰、人畜俱疫、

十二月日蝕、其下有兵、一曰、大臣欲自立、不成、夫人謀君、一曰、穀貴、牛死、一曰、薄食、趙大凶、一曰、水災、夏麥不收、

甲子日日蝕、北夷有謀、不則大水在東方、一曰、夷狄兵起、

乙丑日日蝕、諸侯之臣欲殺其君、在西北、兵行不勝、後有小兵、五穀重傷、一曰、大旱、

南日日蝕、司徒欲謀其君、有小旱、在東南、一曰、有旱蝗、

丁卯日日蝕、諸侯欲謀其君、有小旱、在東南、一曰、有旱蝗、又曰、在此方有蝗、一曰、兵、

戊辰日日蝕、有同姓近臣欲謀其君、有地動、在東南、

乙巳日日蝕、婚家謀君、諸侯起兵、在西南、一曰、火災、

庚午日日蝕、司徒謀君、有大旱、在南方、一曰、有兵、

起、

辛未日日蝕、司徒欲謀君、有虫在東方、一曰水潦、
壬申日日蝕、諸侯相殺、在東北、後有小兵、寇盜並
行、

癸酉日日蝕、上強、天下謀君、不出其年、大兵行、始
於西方、一曰淫雨數降、

甲戌日日蝕、近臣謀君、事覺而戮、有小旱、在西南
方、一曰草木不滋、王命不行、

乙亥日日蝕、子欲爲逆而身受戮、有陰雨天下、

一曰冬無冰、東國發兵、

丙子日日蝕、諸侯相殺、兵行在東方、後有大水、一
曰夏霜爲災、

丁丑日日蝕、諸侯近臣謀其君、在西北方、後有小
兵、一曰三公有憂、

戊寅日日蝕、異姓近臣謀君、歲旱、土沸、一曰多大
風、

己卯日日蝕、東夷謀殺其君、有虫、一曰有咨、

庚辰日日蝕、君易賢以剛、卒以自傷、後有水、在東

北、一曰、有兵旱、

辛巳日日蝕、諸侯外親、謀其君、兵行在西北、一曰、後宮有謀、

壬午日日蝕、三公與諸侯相賊、弱其君王、三公失國、後有旱且水、一曰、久雨、

癸未日日蝕、諸侯上侵、下臣謀其君、在東、有小虫、一曰、仁義不行、

甲申日日蝕、司徒謀逆、有小雨、在晉、一曰、四月雨霜、

西日日蝕、君弱臣強、司馬將兵、反征其王、一

賢人遠退、

丙戌日日蝕、同姓近臣不臣、後有大旱、火從天墜、
一曰、訟多冤者、

丁亥日日蝕、君臣無別、司馬牧民、司徒將兵、有虫、
在西北方、一曰、有匿謀害、

戊子日日蝕、妻欲害夫、九族夷滅、後有大水、在東
方、一曰、宮中有憂、

己丑日日蝕、婚家有謀、有小兵、在西方、一曰、小民

憂

庚寅日日蝕、有謀反者、敗戮、有小旱、在東南方、一曰、將相災、骨肉相賊、且有水、

辛卯日日蝕、天子微弱、諸侯謀君、反受其殃、有虫、在東方、一曰、臣伐主、

壬辰日日蝕、諸侯謀逆、後有大水、在東方、一口、河水決、

癸巳日日蝕、諸侯相伐、一曰、權不一、

甲午日日蝕、南夷君殺、後有大旱、一曰、虫災、

乙未日日蝕、君責衆庶暴虐、民背叛、有地動、

丙申日日蝕、君暴亡、臣橫恣、上下相賊、有大水、一
日、諸侯叛亂、夷狄內侵、歲旱、

丁酉日日蝕、諸侯之臣謀其君、事敗、後有大兵、起
西北方、一曰、侯王侵、

戊戌日日蝕、婚家謀逆、有旱馬騷運、一曰、后妃憂、
巳亥日日蝕、主弱、小人持政、

庚子日日蝕、庶子謀嫡不成、後有大水、一曰、天子
疑、王侯侵、

辛丑日日蝕、賢人離、小人盛、人主危、一曰、君疑臣、三公有免黜者、

壬寅日日蝕、諸侯謀逆、以亾其國、有小旱、在東南、一曰、大臣恣天下苦兵、

癸卯日日蝕、諸侯不順、天子有國亾、有虫、一曰、外國伐主、

甲辰日日蝕、王后爵命絕、有水、

乙巳日日蝕、諸侯上侵以自益、近臣盜竊以爲積、人主不知、一曰、東國起兵、

丙午日日蝕、親戚爭嗣、同姓有謀、大旱在南方、一日民多流亡、

丁未日日蝕、司徒不道、執政有謀、有虫、有地震、一日王者憂、

戊申日日蝕、臣謀君、後有小水、一日地動、諸侯爭、巳酉日日蝕、西夷有殺君之大兵西行、

庚戌日日蝕、司馬之臣謀逆、有小旱、一日臣下相爭、

辛亥日日蝕、有虫害、司馬之臣謀逆自敗、一日近

臣憂、

壬子日日蝕、同姓諸侯任政者不臣、一曰、女主憂、
後宮有謀、

癸丑日日蝕、寇盜行兵、君主不明、亦曰、水潦爲敗、
甲寅日日蝕、同姓大臣有謀、有旱、一曰、親戚叛、
乙卯日日蝕、權臣專政、不出三年誅、有虫、一曰、雷
不行、霜不殺、奸入人君室、

丙辰日日蝕、帝命之極、武王乃得、一曰、山水大出、
丁巳日日蝕、天乃去惡、依聖人、有小兵、其下有聚

兵

戊午日日蝕、婚家執政、賊有妻招、後有大旱、
巳未日日蝕、臣不安居、羣陰謀侵其地、大動、一曰、
其主失土、

庚申日日蝕、骨肉相殘、有水、一曰、夷狄內侵、

辛酉日日蝕、昆弟相殺、更有國家、兵三年不息、一
曰、奸邪欲起、妃謀主、

壬戌日日蝕、諸侯謀叛、在西南、一曰、小人用事、

癸亥日日蝕、天命聖人更起、有大雨、一曰、王者憂

武備志卷一百五十

防風茅元儀輯

占度載

占三

占日二

日之暈

凡占兩軍相當，必謹審日之暈氣，知其所起，畱止，遠近，應與不應，疾遲，大小，厚薄，長短，抱背，爲多少，有無，實虛，久亟，密疎，澤枯，相應等者，勢等，近勝，遠

疾勝遲、大勝小、厚勝薄、長勝短、抱勝背、多勝少、有勝無、實勝虛、久勝亟、密勝疎、澤勝枯、重背大破、重抱爲和、親抱多、親者益多、背爲不和、分離相去、背於內者、離其內、背於外者、離於外、赤內青外、以和相去、青內赤外、以惡相去、氣暈先至而後去、居軍勝、先至先去、前有利、後有病、後至後去、前病後利、後至先去、前後皆病、居軍不勝、見而去、其後發疾、雖勝、功見半日以上、功大、白虹屈短、上下銳者、其下大流血、日暈制勝、近期三十日、遠期六十日、

日有暈主大兵，三日內風雨解之吉，無則凶。

日暈有兵在外者，主人不勝。

正月日暈，春不可起兵。

日有朝夕暈，是謂失地，主人必敗。

日始出而暈，其國有死君。

日暈甲乙憂，丙丁臣不順，戊己后族盛，庚辛將帥

不利，壬癸臣專政。

日暈不常，出軍在外，天子失御，民多叛。

日暈七日，謀逆立見。一曰，日暈七日，無風雨，兵大

作不起、衆大敗不及、

日暈而明、兵在外者客勝、一曰、有兵兵止、無兵兵起不戰、

日暈不明、天下有兵兵罷、無兵兵起不戰、

日暈明久、內赤外青、外人勝、內青外赤、內人勝、內黃外青黑、內人勝、外黃內青黑、外人勝、外白內青、外人勝、內白外青、內人勝、內黃外青、外人勝、內青外黃、內人勝、

日暈內赤外青、羣臣親外、一曰、夷狄侵逼中原、外

赤內青、羣臣親內、內其身、外其心、

日暈外赤內青、此營軍之象、見此對敵之上必戰、
日暈五色有喜、一曰國生賢嗣、信任賢良、不得五
色有憂、

日暈有五色氣、相間闢敵、速攻之全勝、

日有黃白暈、不闢兵、未解、青黑和解、分地、色黃、上
功、動人不安、色黑有水、陰國勝、

日暈青赤、主一二日大風、

日暈青色、蝗生、穀傷、人多疾疫、

日青暈一重、國有喜事、五穀大熟、二重、天下大殺、其下有兵、穀貴四重、不出三月、米貴十倍、大兵起、五重、天下大水、魚行人道、大臣反逆、七重、十處皆反、一曰、青暈再重、不出六十日、兵起、一曰、外戚親族內亂、王者憂亾地、

日暈赤色、火旱與災、兵起血戰、君憂、大臣讒譖、日有赤暈、其日有大風雨、雷震殺人畜、且有大熱、道無人行、一重、國內有災、兵起、再重、所見之國有蝗虫、一曰、旱、穀貴、盜起、二重、暈繞日、四境相遭誅、

三日、正南下七百里皆瘴疫、七日、天下人民疫、
三分、又曰蝗蟲生、三年外大旱、三重、兵大起、一曰、
大旱千里、四五重、不出期年、天下兵起、大饑、人主
憂、

日暈白色、國有兵喪、憂悔不寧、

日白暈一重、當日風雨、二重、其月多風雨、一曰、有
兵、穀貴、三重、大兵起、天下大水、

日暈黑色、雨水爲災、蠻夷作亂、一曰、災在用事之
臣、

日黑暈一重、天下兵起、五穀不成、二重、天下大亂、大臣反逆、一曰、不出三年、其下大水、民流移徙、三重、水流中央、民食野草、一日一年、二日二年、一曰、如有夏霜冬雷、其下國大敗、

日暈黃色、有兵兵勝、

日暈通黃、名曰毒氣、人民疾病、二重、歲中兵起、三重、天下有喜、國內豐稔、又曰、人主得地之象、

日暈紫紅、主兵利、客兵敗、

日紫暈一重、大旱、又云、主外國進異寶、四海賓服、

人民和悅

日暈左邊紫色、攻戰勝、宜防守營寨、右邊、宜收、
準備勿攻戰、戰則大敗、

日暈如雲紅、攻城不拔、大敗也、宜謹防固守之、

日綠暈三重、三日一百二十里、連雨不絕、魚行人
道、

日碧暈三重、朝盡賢臣助有道之君、又謂來年五
穀半傷、

日暈生光、有青有黃、主將大勝、賊變殃、

日暈光芒四出者、我軍得勝、

日重變暈、天下豪傑有自立者、

日暈二重、主七日大風雨、一曰、其外清內濁不散、
軍會聚殺傷、一曰、歲凶人將相食、

日重暈、有德者昌、天下有立王、一曰、攻城圍邑不
拔、一曰、圍賊必至、宜急避之、

日暈三重、軍分爲三、一曰、有拔城、一曰、主百日內
東方將有外兵來、人民饑荒、天下大亂、又曰、百日
內臣亂、國有災、刀兵起、天下憂期三年、或曰、有大

兵伐城期三日、

日暈三重、三色、主隣國寇盜併起、天下饑荒、

日暈四重、敗於野、其下有叛臣、一曰海兵作亂、百
物消耗、一曰攻城圍邑不拔、

日暈五重、是謂氣光、天下有兵、一曰有德者昌、無
德者亾、一曰社稷破亾、期三年、一曰青黃暈五重、
有國者受其祥、天下有兵、破亾其地、

日暈六重、其下國失政、憂兵災、

日暈七重、夷狄侵擾、

日暈八重、民亂君憂、

日暈九重、歲荒夷人交侵、一日天下亾、

日暈十重、天下喪亂、不出期年、大凶、各以星宿次舍及日辰占之、

日暈四重至十重、主三百日內兵起、民有災、

日交暈無厚薄、交爭力勢均、厚者勝、

日暈上下重交者、必有兵來、居上者勝、

日暈交相迎、三日大雨、不雨天下大兵起、

日交暈、人主左右有爭者、兵在外戰、日在暈上、兵

卷

交暈貫日、天下有破軍死將、有亾國死主、
日交暈而爭者、先爭不勝、卽兩破、

交暈抱日、候其先滅之處、從其處攻之、勝、

交暈至日者、順以戰勝、殺將、一曰、日在上者勝、

日有氣交赤青如暈狀、或如合背、或正直交也、偏
交也、兩氣相交也、或相貫穿、或相向、或相背也、交
主內亂、軍內不和、

日交暈而珥、天下有兵起、有兵則罷、

日交暈如連環爲兵起君爭地

日下交暈光芒垂下兵有陰謀通敵殺將

日暈軍營之象周環匝日無厚薄敵與軍齊等厚
長大有勝薄短小無勝漸減則留者勝在外天子
失御民多叛

日暈而缺者兩軍常隨後擊之兵敗

日暈上下斷絕不相續將軍妄行刑罰枉法於軍
日暈不合有氣斜冲謹防冲襲得柄者勝

日暈不合有雲如人在暈中背日者臣反暈合不

得去、暈不合、則脫去、

日暈不合、有雲如人在暈外、似相就者、不勝、一口、攻城不勝、

日暈不合、有雲如牛從暈外來入暈中、有叛臣、

日兩旁飛暈不合、謀不成、

日半暈東向者、西夷羌胡來入國、半暈西向者、東夷人欲反入國、半暈北向者、南夷人欲反入國、半暈南向者、北夷人欲反入國、

日半暈再重、國民蕃息、歲太和、以日宿占分野、

日暈如車輪半暈軍在外者罷無軍在外則兵起
日上有半暈如鼎蓋有欲請和親者

日有半暈兩角銳者戰必勝從有處擊無處勝一
曰其國有謀

日暈而珥王有謀軍在外外軍有悔一曰天下有
立侯一曰兩軍相當先舉者敗戰則珥所在之方
勝

日暈有左珥兵舉

日暈抱珥上將軍易

兩敵相當日暈兩珥平等俱起而色同軍勢等色厚潤澤者賀喜

日暈旁有兩珥珥有抱天子有喜得地

日暈有兩珥反外將欲背叛

日暈中有兩珥將亡改立王侯一曰有反者

日暈有四珥其國有胡人或賊臣主大兵也

日暈有四珥而輝紅者其國主一年內大兵起

日出四珥紅色及黃色暈雨雹民患國憂兵戈起有大災殃一年內國亂人民火災大旱有恐暴兵

日暈有六珥抱黃白潤澤內赤外青天子有喜軍
不戰而有來降者色青將喜色赤將兵爭色白將
有喪色黑將死一曰赤抱有降者攻城大勝

日暈有直珥爲破軍貫至日爲殺將

日暈而珥如井幹者國亡有大兵交凡有一珥一
國兵

日暈兩珥如車輪其國兵亡

日暈有四珥芒孛如髮蓬蓬外指者強兵准備來
戰四五日乃罷若如四脚外向者大臣叛國不安

日暈旁有珥外向內有金雞形見者不宜攻戰
須防備固守

日暈而珥有雲穿之士卒多死

日暈而珥白雲掩映天下有大兵

日暈而兩珥在外有聚雲在內與外不出三日城
圍出戰

日暈兩珥聚雲其中其城圍

日暈兩珥下有黃雲人主有喜期一百二十日
日暈兩珥有立雲貫日出多妖孽有大疫大喪

日暈上有雙珥緣暈中有兩端各外向上御一雲
與珥排列者強兵銳意來攻日出擲戰慎勿交兵
日重暈有珥主外軍人馬多灾凶更看如何方斷
之

日重暈兩珥有兵爭

日暈三重而珥國有反者

日暈再重有兩珥白虹貫之有大兵大戰橫尸滿
野天子大憂

日暈而珥背左右如大車輞者兵起其國亡城兵

滿野而城復歸、

日暈珥兩背、璠在暈外、臣叛、一曰、兩背璠在暈中、其國戰不勝、而有叛臣從中起、

日暈有背珥、直而有虹貫之者、順虹擊之、大勝得地、

日暈兩珥、璠在重抱內、順抱擊者勝、

日暈內有一珥、一抱、所謂圍城者、在內、內人勝、

日暈有雙珥、左右背下抱上、重暈如連環者、賊人內反、背主向外、若有守城池寨上、賊人中有一人

心欲背刺主外向軍中人心各異

日暈有四珥四背璫期六十日臣有兵謀有急事
閉關不行使天下更命

日重疊暈中有兩珥背璫有叛從中起不成

日暈而有珥且有戴抱其色皆內赤外青光色潤
明者其國有喜

日暈外有珥璫或暈王日王侯謀逆篡弑其君

日暈而冠天下有立侯王

日暈而冠三重日下有虹長數丈不出其年有反

者有兵饑貴人絕亾後

日暈而冠且纓有喜兩軍相當和解

日暈負且戴國有喜戰從戴所擊者勝得地

日重暈有四負國內亂

日暈而背兵起其分失城背在東東叛西南北如之

有軍日暈有一背背爲逆在日西東軍勝餘倣此
日暈背在暈外將民亾

日有背氣在暈內此爲不和分離相去其色青外

赤內節臣受王命有所之

日暈反背外向平時民叛上有兵兵叛將

日暈上下有兩背無兵兵起有兵兵入

日暈四背在暈內名曰不和有內亂

日暈四背白氣干之其端青赤妃與臣謀共爲逆

日暈而一背一抱爲不和信者更逆而不信

日暈而背且抱得抱者勝

日暈有背在抱後順抱者勝得地

日暈一背一璫臣有反者出暈則事成

日暈有背璣抱，有虹貫之者，順虹擊之，大勝得。
日半暈一背璣，臣有邪謀不成。

日暈中有兩背兩璣，又有半暈臨日，有叛臣中起不成。

日暈有四背璣，其背端盡出暈者，反從內起。一曰，在暈內，內臣叛在暈外，外臣叛。五六背璣占同。日暈而四背璣，如大車輞者，四提設，其國衆在外有反臣。

日暈四提，必有大將出。

有軍日暈有一抱抱爲順貫暈內在日西西軍勝
日暈而抱且璫順抱擊璫勝

日暈外有一直臣欲自立有二直有二人欲自立
明者成黑色不明者死內赤外青則成內青外赤
不成一曰日暈外有直直而黃氣承之則爲立王
一曰日暈外有三直欲自立者不成一曰日暈有
直在兩旁其國有自侯王者封賞其左右
兩軍相當而日暈有直直所在方勝苦戰宜居其
厚而擊其薄

日暈有直氣在旁所臨處主兵勝或青或白或
或紅黃色則隨其色以變吉凶

日暈有璫爲不順君臣乖離臣外其心其國兵起
或曰有逃臣兩軍相當得璫者敗也一曰萬人戰
死其下先舉者敗一曰裂土立王

日重暈中有兩璫有叛徒兵起不成

日暈四璫在外之兵悉敗散

日暈有白虹貫暈至日從虹所指戰勝破軍殺將
一曰虹起所有反者

日暈有白虹貫日其城不可拔過旬方利

日暈有二白虹貫有戰客勝

日重暈有四五白虹氣從內出外以此圍城主人勝城不拔

日暈有二白虹交貫日中而首尾四出者主殺傷兵戈亂動三年後太平

日暈上有半暈而白蛇貫日者君臣失政有叛殺兵災天下大亂

日暈有白氣抱暈左右相對兩軍不戰各謀退

日暈有白氣凌雲有兵在外大戰順氣者勝

日暈有白氣如車蓋臨其上攻城則城降

日暈有三四青虹從外貫暈順虹戰勝

日暈青雲貫內有圍城

日有青氣暈則先起兵者敗

日暈有赤氣貫日臣弑主赤甚者以兵不甚者以藥

日暈三赤氣有謀者不成

日暈三重兵起赤暈貫之其下失地

日暈有赤雲從中出暈外天下兵起

日暈旁有赤雲兩頭銳其下萬人戰

日暈有赤雲如車輪凹向日爲內提內臣叛
日爲外提外臣叛

日暈有赤氣如建鼓貫日大旱三年

日暈旁有赤雲如懸鐘其下將死

日暈旁有赤氣如節如旗狀在外亦曰蚩尤之旗
兵且內起

日暈有赤氣如戟臨之其下兵起

日暈有赤氣如四豹交日中、中國君亡、

日暈上有口、下有赤氣、用兵大捷、將帥封侯、

日暈黑蛇貫日、君王有難、大臣謀、主兵卒相殺、盜賊並起、

日暈有黃氣承之、不出其年得地、

日有紫氣暈、攻城軍主損、未可攻、宜閉壁、次日攻之、

日暈有五色雲如杵貫日、從外入、外人勝、從內出、內人勝、無軍在外、爲兵出入、亦爲有相謀者、

日暈有青黑雲氣來掩日、有賊來斫營、預備之勝、
日暈有赤黃霓入日中、從虹霓入處大戰兵亾、
日有青赤暈而無光、有背璫而在心度中、是謂大
盪、必有大兵大喪、其國有殃、

日暈有聚雲在旁、黃白吉青、白兵行、黑白內亂、青
赤兵解、青黑兵戰流血、

日暈赤黑白雲定、平常紫黃大勝、青暈半殃、

日出而暈有虹、主人分地、日入而暈有虹、諸侯分
地、

日暈有虹貫暈不至日戰從貫所擊之勝得小

虹貫出暈外從所出處順虹擊之勝

日暈有一虹貫暈內順虹擊者勝殺將

日暈一重有虹霓穿其日過兩頭出者將軍離營

日暈有二霓抱日軍宜備之

日暈有亂蛇四五相穿貫日君臣相欺叛逆兵起

天下大亂

暈有雲圓如口狀內臣兵有謀反者

日暈有氣如人居暈中不出三日寇入城

日暈有雲如人居暈中向日者忠臣受命勅使還遠使還得王色者有喜不得王色者有憂

日暈有氣如臥人在上其國敗在暈中君憂在外臣憂死

日暈中見馬軍敗

日暈有氣如牛居中不出三日寇入城無兵在外防奸客

日暈暈中若外有雲氣如死蛇屬暈大將死不利先舉者

日暈有雲如鳥啄日、頸喙在暈中、翼張在暈外、又有雲貫其中者、敵兵來攻、准備有戰、

日暈有衆雲如毛羽、臨日不去、其下國有兵憂、

日暈四餘氣如鋒四出者、其下亾地、

日暈外環列如戈戟四出、或五六者、防來兵衝殺、必有兩三處交戰、

日暈上有氣如蓋、兵亂國危、歲主凶災、

日暈旁有氣如懸鍾、將死、如節如幢如壞屋、所在之方軍散敗、

日暈有氣斜射、賊兵起亂、謀害國君、

日暈有氣橫冲、兵革興災、國有危亂、又曰、此名爲
破軍之將也、主流血、人民不安、

日暈有雲氣如錦、又潤澤從外入、有文書喜至、從
中出、天子使以喜事出、枯乾不明、則有憂事、

日暈有雲如樹居暈上、兵起客勝、一曰、不出三日、
有兵入城中、

日暈下有氣如井字、國軍得勝、多獲輜重、如上下
聚背、將叛軍亡、

日暈四口字兵 六謀讒逆害將

日暈日形變成 根大戰降敵高遷祿位

日暈有雲 四有陰謀兵懷異志

日暈有聚雲不去不出三日兵起

日暈有聚雲從外入不出三日城圍

日暈有雲氣從外入者外兵入從中出者內兵出
圍城而有雲從外貫暈入者外兵戰勝從內貫暈
出者城中兵出戰勝五色同占

日生暈如兩日三軍混亂戰鬪大敗

日暈兩直氣有叛臣

日暈方暈而上下聚二背將敗兵亾

日暈散如花其分國破亡

日暈曲下垂三重向下軍中妖言兵將相惑

日暈如毛而外射主人勝客不勝軍多死疫

日暈如井幹如車輪其國以兵亾

日暈而日中烏見軍敗將死期三年

日暈從艮起主兵勝客兵敗

日暈從震起客兵勝主兵敗

日暈從巽起客兵勝主兵敗

日暈從坎起客兵勝主兵敗一云攻城軍宜備之

日暈從兌起客兵勝主兵敗

日暈從乾起主兵勝客兵敗

日暈從坤起主兵勝客兵敗

日暈從離起客兵勝主兵敗

日暈角內有陰謀陰國用兵得地又主大水

日暈亢其分大臣凶多雨民饑疫

日暈氏國有憂日下興師

日暈房爲兵君臣失政

日暈尾陰國弱將相憂

日暈牛陰國憂兵起

日暈虛民饑齊地兵起

日暈壁風雨大水

日暈奎爲兵爲火

日暈婁有兵大人多死

日暈胃穀不熟

日暈昴陰國失地北主憂趙地凶又云大饑

日暈畢有邊兵北主憂又云有風雨

日暈紫陰國弱夷狄灾暈及三重其下穀不登民疫

日暈參有來和親者一曰大饑一曰邊將憂

日暈井多風雨有青赤氣在日爲寇天子立王侯
日暈鬼其分有兵大臣有誅廢者

日暈柳主兵五穀不成

日暈七星周地君憂青色抱而順在兵爲東軍吉
日暈張將相憂及有黃氣抱日功臣効忠

日暈翼士卒逃散、上有抱氣三、敵心欲和、

日暈軫生背氣、其下兵起城拔、視背所向擊之勝、

日之變

日月星辰俱現、主國王易、青黃白不定、王侯大臣
作亂、兵起大凶、

日月與星並見、大國弱、小國強、若星月有光而日
無光、則大國亡、

日月並行、陰僭其陽、奸邪專權、欲行弑辱、

日月並出、主兩國相爭、有暈者、兵戰、不合則庚子

日吉、

日月並照中國有兩主、一口后妃專政、有殺逆、夷狄內侵、天下兵起、又曰君臣爭明、天下大饑、

日月並明、相去數寸、若一尺、臣滅君、一曰君爲臣、臣爲君、民相殘、又曰大國弱小國強、歲大凶、一曰日月並明、去二寸者、臣大亂、

日月並晝、見兵起大逆、

日月並夜、見明天下大亂、分裂、

日入月中、不出九十日、大兵起、易法令、鐵貴三倍、

人主死、朝日日色赤紫是也、

日中月見有死王、

日下月生、兵起天下更令大將死、

一日掩一日有篡臣、

黑日掩日、夷狄侵中國、君去位掩不盡則復位、盡則絕世、

一日見一旬丘、爲帝、

一日外又見一日也

三日則三旬、以

日爲一旬、十日爲旬、

兩日並出天下、兵無道者亾、一日無道之臣舉

兵而亾又曰兩日並出天下爭王視其所存之方
先滅者亾又曰假主抗衡兩主並爭又曰兩主立
地陷有大水

兩日相鬪其下國亂

二日相吞天下大亂

天晦雲隔二日相執相吞主國家離亂兵起未止
三日並出諸侯爭爲帝又曰天下三分又曰不可
行兵

四日並見君王失位

黑日五日對相合，夷狄來革，視日出之時，數日相關，陰陽混雜，天下無主，大亂兵起，兩軍相當，數日並出，若闕，天下有大戰，拔城，各以分野言之。

數日相掩，天下大亂，廢王分土。

衆日並出，天下分裂，各設法行，行所不一。

日當出不出，當入不入，君王失道，濫刑喪國。

日已出復入，天雲皆赤黃色，其名曰日空，其下必有餓民而去者。

日合生未生西沒又明朗不出一年國亂一曰日
下却上國大亂

日再出再沒國亾君死兵起主降於臣天下亾
日夜出主兵起若不戢之則生謀篡一曰洪水流
行君不祥社稷亾一曰主南方將兵伐三年方定
夜露日光陰氣不密陰謀侵上殺奪難成

日出非其所政令不行天子失國

日隕於地奸臣后妃擅權陰謀廢黜天子又曰天
下分裂天子國亾

日闢有五色雲似珥、或逆行隊相逐、陵太陽、王者失國、天下兵爭、兩軍相當、急分營防備、

黑杠分日、陰侵陽也、日以正南爲正立、橫杠東西分、豎杠南北分、土地分、

日中分、其國亡、一曰、天下分、或曰、日分有二、有徙王叛民、一曰、日裂、君死臣爭、一曰、所舍國亡、又曰、日中分爲二國、王死、中分而有烏、君爭主死、又曰、主國喪滅、兵革起有殺怖之事、

日光相盪、陰陽不和、奸邪反逆、更置國命、一曰、天

下王

日中鳥出在外、天下大亂、哭聲沸天、

日中鳥見扶輪、主天下變亂凶災、

日中鳥見主大明政亂、其分國有白衣之會、有大旱、一曰王者憂之、一曰旌旗動、將軍出、若出軍遇之、兵敗將死、一曰其下國分、

三足鳥見其地受殃、出軍軍敗、一曰主天旱、

日中有如人立者、君慎左右、

日中有如人行者、臣叛主、一曰兩主立、日中有如

人黑績黑衣杖刀而立人主失位

日有二黃人守日主外國人來降

日中雙雞鬪天下旱荒火災

日有白足主破國一曰有破軍死將占曰白足者

日影屬地色純白也

日生赤足有舉兵者又曰國有謀反

日兩足庶權起

日生齒兩敵相當必有伏兵

日生齒足者有反兵

日垂瓜兵起、

日生牙其下有賊臣欲相殘害

日上有眉者主三十日內兵亂三年方定、

日生角不出二年大兵起多雨四角不出三年兵起六角君亡國亂、

日生芒角主人兵不利臣謀主不出三日、

日上有黃芒得正色君有福不得正色死囚色君有憂占曰日上出黃芒天下攻戰日垂芒有戰

日上芒如舉火君大昌、

日生彗五色，君有大福，天下大穰。

日闇黃霧四塞，不及三年，下有拔城大戰，日氣如虹，中天而至地，其下大兵起。

日影如蛇，敗國亡家。

日輪缺，有萬人死，其下不利先起者。

夏日如冬，陽氣衰微，夷狄作亂，寇賊起兵，冬日如夏，陰氣衰弱，蠻夷入寇，奸謀生變。

武備志卷一百五十